

# Izložba „Biseri tuzlanske arhitekture“

Jasmin Jajčević

U organizaciji Arhiva Tuzlanskog kantona, Mješovite srednje Građevinsko-geodetske škole Tuzla i Društva arhivskih djelatnika Tuzlanskog kantona, a u okviru manifestacija „Dani europskog naslijeđa“ i „Ljeto u Tuzli“, 25. rujna 2023. godine otvorena je izložba pod nazivom „Biseri tuzlanske arhitekture“.



Plakat izložbe „Biseri tuzlanske arhitekture“

U galerijskom prostoru Arhiva Tuzlanskog kantona izloženi su panoji i makete značajnih tuzlanskih objekata, sakralni objekti koji su predstavljajući pred publikom „oživjeli“ na jedan nezaboravan način. Izložba predstavlja bogatu arhitektonsku baštinu grada uglavnom iz osmanskog i austrougarskog razdoblja. Izloženi panoji i makete detaljno prikazuju neke od najpoznatijih i najznačajnijih građevina u Tuzli, među kojima se ističu sakralni objekti koji čine bitan dio kulturnog identiteta grada. Izložba je zainteresirala tuzlansku publiku koja je u velikom broju popratila otvaranje, uključujući predstavnike javnog i kulturnog života Tuzle, učenike tuzlanske gimnazije s profesoricama Adisom Mujezinović i Almom Berbić, uz učenike Građevinsko-geološke škole predvođene prof. Jasminkom Dropić.

Nazočnima su se obratili v. d. direktor Arhiva Tuzlanskog kantona, mr. sc. Omer Zulić, direktor Građevinsko-geodetske škole Tuzla Kadrija Ibišević, učenica Alisa Tufekčić, jedna od autorica maketa tuzlanskih objekata na izložbi, gradonačelnik Tuzle dr. sc. Zijad Lugavić i pomoćnica ministra za kulturu Amela Mehmedović u ime Ministarstva za kulturu, sport i mlade Tuzlanskog kantona.

Gradonačelnik Grada Tuzle, dr. sc. Zijad Lugavić, pozdravljajući prisutne istaknuo je da je „izložba napravila prvi korak prema budućnosti s ciljem sjećanja na prošlost, na kojoj su predstavljeni svi važni objekti koji su izgrađeni u vrijeme austrougarske vlasti, od kojih su mnogi porušeni ili nestali uslijed tonjenja grada, dok su neki ostali među nama kao svjedoci tog vremena“.

Direktor Arhiva mr. sc. Omer Zulić rekao je da je ova izložba prva u obilježavanju manifestacije „Dani europskog naslijeđa“ i važna po uspostavljanju suradnje s mnogim kulturnim ustanovama i školama. Projektom su predstavljeni: Behram-begova džamija, Saborni hram Uspenja Presvete Bogorodice i Vladičin dvor, Rimokatolička crkva te Franjevački samostan Svetog Petra i Pavla. Planiran je nastavak realizacije projekta, koji bi obuhvatio i mnoge druge značajne tuzlanske objekte, kao što su Barok, Musala, Austrijska pošta, Hastahana i druge koje su ostavile trag u povijesti Tuzle.

Izložba „Biseri tuzlanske arhitekture“ je dugoročni projekt, čiji je cilj stručnoj, znanstvenoj i široj javnosti predstaviti najreprezentativnije sakralne i profane objekte u gradu. Prva faza je obuhvatila sakralne objekte izgrađene od srednjeg vijeka do danas.

„Obradili smo Behram begovu džamiju, koja je sagrađena u 16. stoljeću, zatim smo predstavili staru rimokatoličku crkvu, koja je bila u blizini današnjeg Trga slobode, koja je porušena, i današnji samostan Sv. Petra i Pavla, te smo predstavili pravoslavnu crkvu i vladičin dvor“, objašnjava Hatidža

Fetahagić, arhivistica Arhiva TK, koautorica izložbe.

Zgrade biseri tuzlanske arhitekture predstavljene su na dva načina. Arhiv Tuzlanskog kantona pripremio je znanstvenu i arhivsku građu, a učenici srednje Građevinsko-geodetske škole Tuzla makete za sakralne i kulturno-historijske spomenike, jer su spomenici jedna od glavnih spona za postojanje i egzistiranje različitih kultura unutar jedne društvene zajednice.

Arhiv je istražio građu i na osnovu nje prezentirao određene arhivalije, dokumente, fotografije, skice, crteže i projekte kroz arhivsku dokumentarnu izložbu. „Ja sam radila maketu vladičinog dvora u Tuzli, imali smo dva i po mjeseca na raspolaganju za cijeli proces. Najteže je bilo doći do nekih dimenzija i projektne dokumentacije, ali uz rad i suradnju s Arhivom smo uspjeli realizirati cijeli projekt. Ja nisam iz Tuzle pa mi je također značilo da upoznam cijeli grad i njegovu prošlost i nadam se da ćemo imati još ovakvih projekata“, kaže Sandra Šimić, učenica Građevinsko-geodetske škole Tuzla.

Izložba „Biseri tuzlanske arhitekture“ postavljena je i na Sonom Trgu u Tuzli, u izložbenom prostoru poduzeća Saobraćaj i komunikacije. ■



Otvoranje izložbe „Biseri tuzlanske arhitekture“



Otvoranje izložbe „Biseri tuzlanske arhitekture“